



Headlines

प्रधानमंत्री नरेंद्र मोदी होंरें आखेआ जे हाल दे घटनाक्रम नै साबित करी दित्ता जे भारत खिलाफ चलाया जा'रदा छद्यम युद्ध पूरी पराती सोची समझी दी रणनीति ऐ।

सरकारै पहलगाम बारै कैबिनेट बैठक लाई। मुखमंत्री उमर अब्दुल्ला होंरें आखेआ जे अस्स इयै नेह् कायराना आतंकवादी हमले थवां नेई डरदे। जम्मू-कश्मीर दे लोक निडर, मजबूती ते विजन डरे दे इक-दुएं कन्नै खड़ोते देना।

बीएसएफ नै अंतरराष्ट्री बन्ने कन्नै लगदे इलाकें च अपनी गश्त ते निगरानी घट्ट नेई कीती ऐ। आई.जी बीएसएफ होंरें आखेआ जे आपरेशन सिंदूर जारी ऐ।

बॉलीवुड अभिनेत्री हुमा कुरेशी सुचेतगढ़ च गोलीबारी करी प्रभावित परौआरें कन्नै मलाटी करडना।

क्रिकेट च अज्ज संझा लखनऊ च लखनऊ सुपर जायंट्स दा मुकाबला रायल चैलेंजर्स बैंगलुरू कन्नै होगा।



PM-Proxy War

प्रधानमंत्री नरेंद्र मोदी होंरें अज्ज आखेआ ऐ जे हालिया घटनाएं एह् साबित करी दित्ता ऐ जे भारत खिलाफ कथित छद्यम युद्ध इक नीति तैहत योजना ऐ। गांधी नगर गुजरात दे महात्मा मंदिर च इक कट्ट गी संबोधित करदे होई प्रधानमंत्री होंरें आखेआ जे 6 मई दी घटनाएं मगरा भारत गी आतंकवाद सरबंधी गतिविधिएं दा सबूत देने दी जरूरत नेई ऐ। प्रधानमंत्री होंरें जोड़ेआ।



PM-Operation Sindoor

प्रधानमंत्री नरेंद्र मोदी होंरें आखेआ जे मारे गेदे आतंकवादिं गी पाकिस्तान च राज्य सम्मान दित्ता गेआ। उंदे ताबूतें पर पाकिस्तान दा राष्ट्री झंडा लपेटे दा हा ते पाकिस्तानी सेना नै उनेंगी सलाम कीता हा।



Special-Cabinet

22 अप्रैल दे आतंकी हमले च 26 लोकें दी मौत होने मगरा जम्मू-कश्मीर सरकार नै आतंकवाद ते अहिंसा खिलाफ कड़ा स्नेआ दिंदे होई अज्ज पहलगाम टूरिस्ट रिजार्ट च खास काबिना बैठक दा सरिस्ता कीता। सोशल मीडिया कन्नै गल्लबात करदे होई मुखमंत्री उमर अबदुल्ला होंरें आखेआ जे पहलगाम च काबिना दी बैठक सिर्फ इक्क मलाटी नेई ऐ, सगुआं इक साफ स्नेहा ऐ जे अस्स कायराना आतंकवादी घटनाएं थमां डरने आहले नेई हां। शांति दे दुश्मन कदें बी स्हाड़े विश्वास ते धेइयै गी नेई हिलाई सकदे। जम्मू-कश्मीर म्हेशा मजबूत, निडर ते अडिग रौह्गा।



IG-BSF

पाकिस्तान पर भरोसा नेई कीता जाई सकदा, इसी मनदे होई सीमा सुरक्षा बल जम्मू फ्रंटियर दे आई.ज शशांक आनंद होंरें आखेआ जे सीमा सुरक्षा बल गी अंतरराष्ट्री बन्ने थमां पिच्छे नेई हटाया गेआ ऐ। उनें बन्ने पारा घुसपैठ दी आशंका जताई ते आखेआ जे बी.एस.एफ पूरी चौकसी कन्नै तैनात ऐ। आई.जी होंरें आपरेशन सिंदूर बारै इक प्रेस वार्ता दौरान एह् गल्ल आकखी। उनें आखेआ जे बन्ने पर कार्रवाई सरबंधी उच्चे दर्जे दी तैयारी गी कायम रखेआ गेदा ऐ। ऐसी जानकारी थहोई ही जे दुश्मन कोई बी माड़ी वारदात गी अंजाम देई सकदा ऐ, बन्ने पारा गोलीबारी, घुसपैठ कराई सकदा ऐ। अस्स पूरी चाल्ली सतर्क ते तैयार हां। मीडिया कन्नै गल्लबात करदे होई आई.जी बीएसएफ शशांक आनंद होंरें आखेआ।



DC-Jammu Sanjy

जम्मू दे डिविजनल कमिशनर सचिन कुमार वैश्य होंरें इस साल दी श्री अमरनाथ जातरा दी तैयारिएं दा जायजा लैने आस्तै इक तफसीली बैठक दी प्रधानता कीती। सुरक्षा, ट्रैफिक प्रबंधन, यात्रुएं दी रौहने दी बवस्था, पंजीकरण सुविधा, साफ-सफाई ते अगग लगने कोला बचाऽ जनेय मुद्दे पर बैठक च चर्चा कीती गेई। डी.सी होंरें कारगर योजना ते समेंसिर सारी तैयारियां पूरियां करने पर जोर पाया ते कनै सारें'गी आखेआ गेआ जे निर्धारित प्रोटोकाल दे स्हाबै सब्बै जरूरी गेइयां पुट्टने दी लोढ़ ऐ। इस बैठक च एसएसपी सिक्योरिटी जोगिंद्र सिंह, ए.डी.सी अनुसुइया जम्वाल, ए.डी.सी राकेश कुमार, जिला मजिस्ट्रेट ते सरबंधत जिला अधिकारी मौजूद हे। आकाशवाणी कनै गलांदे होई डी.सी जम्मू सचिन कुमार वैश्य होंरें आखेआ।



Reasi-Mission Yuva

रियासी जिले दे नौजवानें गी सशक्त बनाने बकखी इक महत्वपूर्ण गेई दे तौरा पर जम्मू-कश्मीर रोजगार मैहकमे हेठ मिशन युवा अच्छे बदलाव आहन्ना'रदी ऐ। जिला रोजगार ते परामर्श केंद्र रियासी बक्खिय लागू इस मिशन दा मकसद नौजवानें गी पूरा-पराता सहयोग दिंदे होई रोजगार दे नमें आयाम हासल करने च मदद करना ऐ तां जे ओह स्वरोजगार ते उद्यमता दे क्षेत्र च अगगे बदन। इस मिशन तैहत नौजवानें गी भविकख सरबंधी परामर्श दिता जंदा ऐ। इस बारे मती जानकारी दिंदे होई रोजगार विभाग दे सह निदेशक एन्नी वैद होंरें आखेआ।



Huma-Quereshi

बॉलीवुड अदाकारा हुमा कुरेशी जम्मू पर्यटन विभाग तरफा आयोजित सांस्कृतिक संध्या च मुख्ख परौहने दे तौरा पर शामिल होडना एह कार्जक्रम आर.एस.पुरा दे सुचेतगढ़ च ऑक्टूय चौकी पर कल आयोजित कीता जा'रदा ऐ जेड़ा गै जम्मू थमां 30 किलोमीटर दी दूरी पर ऐ। हुमा कुरेशी सशस्त्र बलें कनै गल्लबात करंगन जेड़ गै आपरेशन सिंदूर दौरान सब्बने शा अगड़े तैनात हे। अभिनेत्री हुमा बन्ने पारा शैलिंग कनै प्रभावित परौआरें कनै बी मलाटी करंगन। इस कार्जक्रम दा आयोजन जम्मू च सैलसफे दे बादे दे मकसद कनै कीता जा'रदा ऐ। इस कार्जक्रम च शामिल होने आस्तै प्रवेश मुफ्त ऐ।



Dogri-Folk Programme

डोगरी लोक साहित्य पर आधारित 2 रोजा कार्जक्रम अज्ज जम्मू दे त्रिकुटा नगर च ब्रह्मकुमारी हाल च शुरू होआ। इस कार्जक्रम दा आयोजन जम्मू-कश्मीर, कला, संस्कृति ते भाशा अकादमी ते साहित्य अकादमी नमीं दिल्ली तरफा आयोजित कीता गेआ। कार्जक्रम दी शुरूआत मशहूर साहित्यकारें दे संबोधन कनै होई जिंदे च अनुपम तिवारी, सोहन सिंह, डॉ. नीरज शर्मा ते प्रोफेसर रेखा समलोत्रा शामिल हियां। लखारिएं ते कविएं बकख-बकख सत्रें च शामिलयत कीती ते डोगरी लोक संगीत, कहानिएं ते रीति रिवाजें पर कीते गेदे रचनात्मक कर्में बारे अपने विचार सांझे कीते। जम्मू-कश्मीर कला संस्कृति ते भाशा अकादमी दी सचिव हरविंद्र कौर होंरें इस मौके आखेआ।

साहित्य अकादमी दे डोगरी एडवाइजरी बोर्ड दे समन्वयक मोहन सिंह होंरें बी अपने विचार सांझे कीते।



Waste to Wonder

“Waste to wonder” पहल हेठ मयुनिसिपल काउंसल डोडा नै इक खास जागरूकता कार्जक्रम दा सरिस्ता कीता जेदे च मता ध्यान कचरे, बेकार समान दे प्रबंधन ते नशाखोरी दी रोकथाम पर दिता गेआ। डी.सी डोडा हरविंद्र सिंह होंरें इस कार्जक्रम च मुख्ख परौहने दे तौरा पर शिरकत कीती। इस जागरूकता शिविर च छात्रें बदिह हिस्सा लैता जिनें बेकार कागज, प्लास्टिक ते टुट्टी दी चीजें कनै बने दे बड़े शैल-शैल माडल्स गी दस्सेआ। एहदे कनै पर्यावरण संरक्षण च इस्तेमाल होई दी चीजें गी दोबारा इस्तेमाल करने कनै दे लाह सामने लब्बदे ना मीडिया कनै गल्लबात करदे होई डी.सी डोडा हरविंद्र सिंह होंरें आखेआ।

इस कैप च हिस्सा लैने आहले छात्र नै बी इस मौके अपने विचार सांझा कीते।



IPL

IPL T-20 क्रिकेट च अज्ज संझा लखनऊ सुपर जायंट्स दा मुकाबला रायल चैलेंजर्स बैंगलुरु कनै एकाना क्रिकेट स्टेडियम लखनऊ च होगा। मैच शामी साइडे 7 बजे शुरू होगा।

